

Avannaata kommuniani illoqarfinni Upernavimmi amma Aasianni kiisalu nunaqarfinni arlalinni angallassissutinik tamanit ilaaffigineqarsinnaasunik killilersuigallarnerit pillugit Namminersorlutik Oqartussat nalunaarutaat

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-imeersumi, Inatsisartut inatsisaatigut nr. 1, 1. april 2020-meersutigut allanngortinneqartumi, § 12 a amma § 29, imm. 2 amma imm. 3 malillugit aalajangersarneqarpoq:

Atuuffia

§ 1. Nalunaarut una illoqarfinni Upernavimmi amma Aasianni kiisalu Avannaata Kommuniata nunaqarfini ukunani atutissaaq:

- 1) Tasiusaq.
- 2) Upernavik Kujalleq.
- 3) Nutaarmiut.
- 4) Nuussuaq.
- 5) Innaarsuit.
- 6) Naajaat.
- 7) Aappilattoq.
- 8) Kangersuatsiaq.
- 9) Kullorsuaq.

Imm. 2. Nalunaarut Kalaallit Nunaanni Peqqinnissaqarfimmuit imaluunniit nakorsiartarfinnut kiisalu nakorsiartarfinnut namminersortunut niuertarfinnilu peqqissaannermik naalagaaffimmit akuerisaallutik ingerlatani ingerlatsisunut atorfeqartitsiffiusunullu atutinngilaq.

Imm. 3. Nalunaarut katersunnernut, politikkut allatulluunniit isummersornissamik sunniiniarnissamik siunertalinnut atutinngilaq.

Imm. 4. Nalunaarut eqqartuussivinnut atutinngilaq.

Imm. 5. Nalunaarut namminersortunut pisortaniillu ulluunerani neqeroorutinut, atuarfinnut, ilinniarfeqarfinnut il.il. nappaatit tunillaassortut akiorniarlugit iliuutsit pillugit Inatsisartut peqqussutaanni § 22 naapertorlugu atutisinngilaq.

Imm. 6. Nalunaarut angerlarsimaffinni aaqqissuussanut il.il. atutinngilaq.

Imm. 7. Nunatsinni Nakorsaaneqarfik nalunaarummit immikkut akuersissuteqarsinnaavoq.

Tamanut angallassissutini ilaanermut piumasaqaatit

§ 2. Inuit inunnut angallassissutini imm. 2-mi taaneqartuni ilaaniarunik:

1) Covid-19-imut akiuussutissamik tamakkiisumik kapitereersimassapput, taamaattorli imm. 3 takuuk, imaluunniit

2) covid-19-imut misisortinnermi tunillatsissimannginnermut uppernarsaasinnaassapput, taannalu annerpaamik 48 tiimit sinnerlugit pisoqaassuseqassangilaq

Imm. 2. Tamanut angallassissutit tamarmik imm. 1-imi ilaapput, tassunga ilanngullugit assersuutigalugu:

1) Silaannakkut angallassissutit nunaqarfinit § 1, imm. 1-imi taaneqartunit aallartut imaluunniit tikittut.

2) Bussit.

3) Umiarsuit inunnik angallassisartut, aalajangersimasumillu angalasartut.

Imm. 3. Inuit tullinnguuttut imm. 1-imi piumasaqaammit ilaatinneqanngillat:

1) Inuit najukkaminnut tikinniarlutik umiarsuarmik imaluunniit silaannakkut angallassissutimik angalasut.

2) Inuit Covid-19-imut akiuussuserneqarnissaminnut peqqissaavimmut qaninnerpaamut umiarsuarmik imaluunniit silaannakkut angallassissutimik angalasut.

3) Inuit nakorsartinnissaminnut peqqissaavimmut umiarsuarmik imaluunniit silaannakkut angallassissutimik angalasut.

4) Inuit inuaqatigiinni suliassaqtitaasut tamanullu angallassissutinik angalasariaqalersut.

5) Inuit Covid-19-imut akiuussutissamik kapitinnissamut Nunatta Nakorsaaneqarfianit nalinginnaasumik innersuunneqanngitsut.

6) Inuit 17-inik ukiullit ukiukinnerusulluunniit.

7) Sulisut tamanut angallassissummi pineqartumi sulisut.

§ 3. Inuk Covid-19-imut tamakkiisumik akiuussuserneqarsimasutut isigineqassaaq inuup taassuma akiuussuserneqarsimanerup naammassisimaneranik uppernarsaasinnaappat.

Imm. 2. Nunatta Nakorsaaneqarfia akiuussuserneqarsimanermut uppernarsaatit sorliit akuerisaanersut aalajangissavaa.

Iliuuseqarnerit

§ 4. § 2-mik unioqqutitsisoq pinerluttulerinermik inatsit malillugu pineqatissinneqarsinnaavoq.

Imm. 2. Ingerlatseqatigiiffit il.il. (inatsisilerinermi inuttut immikkoortutut isigineqartut)

pinerluttulerinermik inatsimmi kapitali 5-imi malittarisassat malillugit pinerluttulerineq pillugu inatsiseqartitsinikkut akisussaatinneqarlutik pineqatissinneqarsinnaapput.

Atuutilersitsineq aamma atuunneranut piffissaliussaq

§ 5. Nalunaarut una ulloq 28. juli 2021-mi, nal. 17:00 atuutilissaq.

Imm. 2. Nalunaarut malillugu killilersuinerit, inerteqquqtit, pequssutit il.il. 30. juli 2021 tikillugu

atuutissapput.

Namminersorlutik Oqartussat, ulloq 28. juli 2021

Kirsten Fencker
Peqqinissamut Naalakkersuisoq

/ Aka Olesen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviit
Naalakkersuisut